

藍山縣圖志卷十五

教育篇第六上

二十二年徵集之□

古今中外教術廣矣無所謂新舊視時爲轉移焉此其通也然其術不外二端曰道曰藝官人教民惟此而已舜命九官禹作司空治水土也棄后稷教稼穡也益爲虞掌山澤也垂共工治百工也此四官重在藝契司徒教人倫也龍納言正朝廷也夷秩宗治典禮也皋陶作士掌兵刑也夔典樂教胄子肅風化也此五官重在道迄於姬周文明燦備三物六行存乎道六藝存乎藝初無偏重偏輕也以是爲教以是爲政故人才與國家無二致也夫唐虞之盛三載攷績試可乃已朝廷因以寓黜陟幽明之權周官造士選

藍山縣圖志

卷十五

教育上

一

進賢能而特懸大比之典此考試法之所繇出也故國家之於人才先之以造就次之以甄陶夫然後賢者在位能者在職此善言政教者之所莫能外也今世之以科舉爲詬病者爲其徒存考試而無造就也雖然難言之矣夫秦漢以前中國亦學校制也家有塾黨有庠術有序國有學小學大學位次不紊小成大成年業有程其廣厲學途亦大類今制自茲以降封建變郡縣政體旣異選辟變科目教制亦殊故漢之經義唐之詞賦宋元明清之試策時藝等科舉耳漢之官吏用經義治獄及所設茂材異等出使絕域諸科尙存所謂學求可知用如其學者焉唐以下則學非所用用非所學矣相沿而極於清末八比八韻小楷大卷抗弊人之心思

才力其實無所用之於是士子以恪守臥碑爲端按臥碑有二一

頌立一爲清順治九年頌刻學宮謂之新臥碑皆訓飭士政令以子之詞內有天下利病諸人皆許置言惟生員不許云云

清議時政爲忌專制闇昧愚蔽黔首種姓虛弱其亡其亡科舉之不得不廢學校之不能不興匪曰氣運亦人類生存競爭之理與勢俱有所必趨者然也今夫古者造士法與試士法蓋互爲表裏故能收天下得人之效後世但試士而不問造士故常有國家乏才之患科舉之病在此學堂在求實用務畢所業不予復試尙已今防其冗濫而以考試法救濟之然則學堂亦科舉矣今世之言教者可別之曰心物兩派主道者曰唯心主藝者曰唯物夫高語道義鄙棄工能其蔽也僞僞則羸日矜奇巧盡蔑倫理其蔽也暴

藍山縣圖志

卷十五

教育上

二

暴則亂今誠宜爲折衷之說凡造士法卽以心物二系爲總科而目分之心科若本國經史子集以及各國文言凡中外著論有關於社會倫性宗教哲學者是已物料若物理化學動植物學鑛醫工農學諸闡明自然科學者是已小高中大專門率以是爲教之差等其試士法亦如之故曰以是爲教以是爲政不偏重不偏輕矯枉而不過正適屨而不削趾庶幾乎教有所系而人有所范矣藍山自興學來不後於人以桂臨藍嘉四縣論藍山爲冠凡舊新教育之蛻化有足多者備而錄之以觀既往而冀將來

藍山漢縣然沿漢及唐學無可考舊志云宋仁宗慶曆四年詔天下立縣學藍山建學始此凡學宮經始及踵事先後之蹟建置篇

詳之大抵舊學制有教官、有教師、凡士所從出之途、學額有附生、增生、廩膳生、貢生、以上則有舉人、進士、而藍人士、凡試士、有試卷、錢、有印卷費、養士、則有賓興學田、膏火穀、

教學之設官、蓋始於漢、然已非古法、何以明之、古者治民之官、卽教民之官也、周禮、黨正、州長、皆掌教、治政令、黨正卽黨師、州長卽州師、發政施令、蓋無非教、使民興賢、出使長之、使民興能、入使治之、馬貴與申其義曰、鈞是人也、役之則爲民、教之則爲士、官之則爲吏、此其尙也、自秦漢來、儒吏異趨、政教殊途、乃因分治民、教民爲二官、治民若郡守、縣令、教民若博士、官文學掾矣、漢文翁守蜀、起學宮於成都市、其俗大化、武帝乃令天下郡國皆立學校、官、魏

藍山縣圖志

卷十五 教育上

三

晉逮唐、學官愈盛、及宋仁宗詔州縣立學之年、所置學官、名曰教授、度其時、藍山學官、亦用教授一人、迄於前清、乃以教授爲府學

東齋之稱矣、

舊志引臨武志云、宋縣不置學官、縣令佐咸得領之、景定三年始置主學一員、咸淳元年轉運提學行下、

選請學正、學錄、直學各一員、學諭四員、長諭八員、小學教諭一員、按此爲仁宗以後遞改之制、在慶曆四年立學時、其學官實名、教

授、縣學之有教諭、訓導、蓋自元始、舊志載藍山縣學、元設教諭一、

訓導一、明因之、嘉靖三十六年、訓導嘗就裁、清初各縣學官、教諭、訓導、並置、康熙三年、亦有裁革、縣畱訓導一員、及十九年、復置教諭、與訓導爲兩齋、其教士也、初到任、課士、謂之觀風、遵功、令、按月、有課、摘四書句爲文題、益以古人詩句爲試帖、題、旋且但取諸生、摯見、課題亦免、然朝廷視學官、重明時、上必召見、清亦眞除、必由

上諭學官於士子有舉報優劣之特權先德行後文藝以端學習厚風俗厥道得也自學使者按臨府州縣官下車皆有觀風之舉視爲教典而院試至有以賄取進者縣試案首亦以財論名之曰幫帖考費小邑尤數見以爲常甚矣教化之本掃地盡矣

教師則書院山長是也王湘綺桂陽州志云官立學既具文則書院興焉蓋有慨乎言之者然書院制昉於宋則猶在設學官之前宋太宗時賜廬山白鹿洞書院九經賜石鼓書院額眞宗賜應天府書院及潭州嶽麓書院額此爲宋初四書院一說有嵩陽書院而無白鹿睢陽嶽麓石鼓爲四仁宗慶曆四年詔諸路州軍監立學

並置教授一員事在其後矣書院院長視學官課士殆尤密切故

藍山縣圖志

卷十五

教育上

四

必以舉貢中文行並懋者主之藍山書院縣初有崇正宗濂後有

三藍旋改鼇山詳建置篇鄉里義學以書院名者三一鳳感鄉梧

岡書院在城東三十五里田心鋪清以前即有文會清道光二十三年建文昌祠置賓興文會田備生童歲科試卷費諸生

鄉試舉人春闈賦儀歲以冬月文會一次岡書院三年增建學舍設先師座備學官印卷費增義學田改名梧岡書院光緒二十九年

建校室於國左改爲鳳感鄉立高等小學校以興賢學文會田充校金民於國十年改爲十二年兩燬於匪現正加修其鄉先生廖孔沂

廖景星李如正賓興頤廖式廖曾廖積金等均有文會序積金別有義學記式曾別有正賓興記又廖調元有賢堂義田記雷殷南有賓

興鄉學興賢三義田序具詳其一南平鄉南平書院在城北四鄉文會譜文會三義田仰止會譜

墟東河人建清嘉慶間置備賓興文會田用途如梧岡書院改名一墟次亦同光緒間亦增置學官印卷費始建學舍置義學田改名

書院及三校一年改爲十年平燬於匪現正重修校一南平鄉西河

書院在賢城北會田五里洪同前光緒初亦備有學官印卷費宣統

三年增建校舍，民國八年改為西河小學校。十一年匪焚其半，十六年盡焚，十八年重修之。自餘以賓興興賢名者，有忠孝節義賓興，有六里賓興館，有大慈鄉賓興公局，有舜鄉興賢堂，有永順墟賓興，有楠木橋義學。雖不設書院，然皆為科舉造士而設。今大半移其資費為學校矣。

忠孝節義賓興者，蓋以忠孝節義祠餘貲移饋賓興，為闔縣賓興款也。鍾範有順序

六里者在城六團，即五鄉中之在城鄉也。團里沿革詳戶籍篇。賓興館在城北門內，初始於嘉慶二十二年丁丑。一作二十四年己卯，朱佐辰有記。初置道光二十九年己酉，始購城北帥姓屋為公館。朱振采有記。初置田畝，以給春秋闡。贖金旋增歲科試卷費。文會以歲舉光緒中加備印卷費。新建館舍教諭熊範有記。興賢堂亦附於此。蓋先有賓興，後有興賢也。傳教

藍山縣圖志

卷十五 教育上

論毓湘有記 民國元年於館東增建教室，改為六里高等小學校。移舊款為校金。七年加購雷張邱戶廢祠舊址拓操場。及十九年學生加班借用昭王廟，而在城人士所立者，別有東方文社、西方文社，亦文會之類也。

大慈鄉賓興公局在城北二十里總管廟。清嘉慶間置賓興文會田，亦用為春秋闡贖儀。生童歲科試卷費，歲亦文會一次。道光二十九年建正座咸豐四年增建右廂加備學官印卷費光緒三十三年

右廂外建校舍，改為大慈鄉立高等小學校。移舊款為校金。蕭玉春楊圭均有

舜鄉興賢堂在城西南二十五里寧溪所城。同治間建置賓興田，為春秋闡贖儀。光緒初備學官印卷費。復置義學。文會田。光緒二十八年改為舜鄉高等小學校。移舊款

爲校金民國十六七年間陳匪盤踞舜鄉焚燬無遺

永順墟賓興設於其墟之三聖祠

在城東十五里光緒八年始置田畝用途及文會同於各鄉賓

興清季興學校其款由原捐田人設爲學產保管會保管之歲以

津貼省內外留學及縣中學高初小學諸生

雷殷南有序

楠木橋義學在其墟之聖公祠

城北三十里於乾隆五十七年梁繼佑等建聖公祠置義學田畝分

文武書房左文書房額曰東書齋歲聘學右爲武書房以歲考之年聘教習授馬步箭及刀石等伎道光間立文社祀關帝同

治間增加宣統間就義學文社款設同義初等小校民國初改職

業學校因匪停止

梁繼佑朱師孔肅玉春楊圭均有序

凡縣人士於文會賓興視之特重昔在盛時歲恆於冬令或聖誕日集諸生貢監祀聖畢燕飲以樂之申誠讀法學規兢兢於綱常

藍山縣圖志

卷十五

教育上

六

名教有非聖無法犯義悖倫者不齒蓋隱然見古賓興賢能之禮意焉

鍾範忠孝節義賓興原序

古者重待士之禮下至戰國信陵平原孟嘗春申之徒食客三千亦皆厚其廩餼華衣美食雖四郊多壘日尋干戈以相戰征而禮意不少衰士者凡民之秀而杰者也躬道德者出其中智者時出其不羈之材以肩艱巨之任爲功一時卽片長薄技專擅一能亦足收其用而集其事此數者不爲吾用則已苟爲吾用其有裨益於治化不少或謂干戈興學校廢是又不然人特

知衽金革爲武耳先王之世獻馘於泮皆執經講藝之人時艱孔亟而有以維元氣於不衰胥於士是賴昔王倫煽亂沂州歐陽文忠公請禮諸處下第舉人及山林隱士彼豈作此迂圖哉誠知時方多故而材宜預儲世方需人而材不可棄也雖然亦視牧民者待之如何耳楊選在播州聞蜀士房禹卿賢遷於客館給食與衣屬歲大比厚餽之遣徒衛送竟登進士第夫選特一邊將耳當其時白錦堡屢用兵日提旛鼓簡車徒以待徵調猶勤勤懇懇於房禹卿其意量爲何如哉吾邑城東舊有市宅一區傳於堞緣東街西上不數武忠孝節義祠在焉祠門左右雙廡夾峙鄉先輩咸入其直以爲邑人士觀光費意亦惠矣咸

邑令譚震續捐三藍書院膏火碑記

嘉慶間

藍邑居楚之上游地近蒼梧甌粵風氣淳樸顓蒙待啟前令是邑者江左李慮教學未開民無與立擇城東高廠地建書院繼令江左續山東史加以恢廓又勸捐膏火以膳生徒於是三藍書院燦然矣余下車卽詢學校興替諸紳耆因以續捐膏火宜勒石垂久求序於余余曰古者上庠下庠餼以廩米膏火之設由來尙矣食其食者亦思其故乎蓋士爲四民之首農工商賈暑雨沾塗肩摩販負持籌握算終日拮据以自食其力而士獨閉戶安坐享廩粟足紙筆豈但使之涉獵經史博取功名炫耀鄉里哉古之用人者必經明行修而後舉於鄉而登於國士之

藍山縣圖志

卷十五

教育上

八

肄於學者潛深古義著之身心必有孝弟忠信禮義廉恥之實蔚然樹爲人望處則令一鄉之民庶愛慕則效望廬生敬以助爲治者之不及出則忠君愛國才德威望爲朝廷倚重使人考其里居都邑以爲桑梓光必如是乃無愧設學養士之意若夫食公家之食資其誦讀而亡實行愚者堅其是智者益其詐甚或藉此以武斷鄉曲不但學者之羞而亦長官耆宿之憂吾願食其食者常思其意也故於敘膏火而略言之至於施者之好義與文風之振興前碑言之詳矣不贅

邑人彭三瑞閣縣新捐賓興膏火序

三瑞道光末歲貢此序已入同治時矣

國家稽古右文樂育人才京師設國學天下州郡荒遐僻小之



邑皆立學宮、置師儒以董之。三載省試，又發公帑以助資斧。其貢上禮部者，藩司給路費，遠省則假以公車官驛，甚盛典也。而鄉間好義者，亦往往醵錢以爲諸生誦讀取進之資。故士卽貧微，亦恆得自奮。吾藍處萬山中，無山澤膏腴之利，無舟車輻輳之財，文物聲名之盛，雖不必與通都大邑爭衡。然民樸士愿，恆以務學爲重。舊建書院於城東，歲延師課士，絃誦之聲不絕焉。自粵西盜起，蔓延大湖南北，所在學校半罹兵燹。而藍當兩粵之衝，賊常磨牙肆虐，羣士登陴守禦，後猶投戈講藝，弗輟。蓋知學之不可廢也。第軍興以後，聚落彫殘，中戶以下，有志就學而力實難之。及乎三年大比，赴會城者里以千計，就試禮部數千。

里而遙，出門惘惘，行色不壯。世無莊驛，困乏缺供，其誰不退然中阻哉！邑侯羅公慨然念此，倡捐清俸，復舉首士數十人，董理勸捐。邑人好義，以田以銀事，遂大集。賓興膏火兩費，咸出其中。裕如也。歲乙丑夏五月，事成勒碑。董事諸君問序於余，適蕭君玉春捷南宮報至，余欣然應曰：時至氣動矣。吾邑沐國朝二百餘年教澤之深，文運自是而昌。今又得賢邑侯殷殷育才厚意，乃克相與以有成也。可以興矣。抑余聞古之學者，不以夷險易其心，不以窮困隳其志。植品績學，強堅弗懈。處艱屯而益勵，茹藜藿而益甘。卒底於學成，而以致其用，乃大可尙也。今賊勢漸以蕩滌，世道之隆兆已復見，而吾邑之大夫士庶羣策羣力以

務於饋學養士之一途吾知其收效必有其大且遠者願與有志者共勉之

廖孔沂鳳感鄉舊立文昌會序

孔沂明崇禎歲貢  
時爲漢陽縣訓導

世相傳文昌爲斯文主宰遂以隆祀紀載亦用是不絕吾鄉舊無此會今何以舉焉舊時庠規統一濂溪書院暨東閣祠彼此共瞻仰之今庠規旣析因鄉立會以修祀事以課職業此鳳感文會所以昔無而今有也吾鄉夙被聖化沐鳳鳴之治故以鳳感名而流風蒸洽迭起英賢如宏治正德以前雷氏伯仲鄉榜迨至嘉靖隆慶時明河夢岳兩家先正接踵巍科歷官郎署而簡命臬司科名宦績焜耀楚南豈文昌降靈在昔獨盛哉今一

鄉之士星羅碁布叩酉室而備武庫師師濟濟其爲神所默佑以待乘時崛起與先達並隆不爲泰也會之立蓋不可已願與吾鄉同志約平居務加磨礪臨祭又竭敬誠以祈昭格庶紀載之意不失而愈有光矣吾儕勉乎哉

廖景星鳳感鄉續修文會序

乾隆四十六年

國家文治昌隆建學校以育賢才期於體立而用斯行耳故自朝廷至郡縣悉以春秋上丁帥僚屬生徒釋奠於先師鄉里之士入其廟踐其位行其禮奏其樂瞻其車服禮器視其舞蹈趨踰見宗廟百官之富溫良恭儉之容正心誠意之業格物致知之要齊治均平之略立道綏動之猷夏時周冕殷輅韶舞之盛

慨然如游其世，如覩其人。曩者鄉先達設文會以祀先聖先賢於家，蓋倣學宮之意，兢兢於造就人才，謂來會於此，則學益知鼓勵，退而誦讀微言以究道德之旨歸，大則綱常，小則日用，而皆曲盡其禮，斯爲有體有用之學，不愧讀書人真種子真面目，否則昧厥淵源，罔知所宗，微論馳心異端，貽羞大雅，卽至強記博聞，取青紫如拾芥，策勳名於鼎彝，不學無術，猶有譏焉。在會同人，有教之責，有學之事，被服國家之文化，景仰先哲之遺風，則處存有用之體，出亦不爲無體之用，德修業廣，足以濟一世利萬物，非獨爲一鄉一時之士，雖稱爲天下之英才，千古之名賢可也，是所望於斯會者，因序此以俟之。

藍山縣圖志

卷十五

教育上

十一

廖頤鳳感鄉續修文會序

與廖景星同時

西周以前，文教昭於上，東周而後，文統萃於下，宣聖起布衣，符見知聞知之數，衍識大識小之傳，其曰文王既沒，文不在茲，此古今論文之一大橐鑰也。然有性命之文，有經濟之文，有詞章之文，何謂性命？易詩書禮記春秋是也。何謂經濟？疏奏表章論策劄子是也。何謂詞章？箋記辭賦帙跋歌行，祇工富麗誇耀於人，斯爲下矣。予鄉人文炳炳烺烺，固一時運際昌明，亦由涵濡文治，其所浸漬而蒸爻之者，至深且渥也。先正有感於斯，乃謀報祭之典，暨諸醜夷，於每歲殷仲，畢會祀所，遂釋菜於先師，命之曰文會，第不知所會之文，將爲性命乎？爲經濟乎？抑爲詞章

乎或曰宋王介甫始制時藝有明因之用以取士者三百餘年國朝因之又百餘年矣世之操觚家以及縉紳貴族相與爲舉子業者童而習焉長而安焉其平居師友所講授授此而已其朝夕父兄所訓課課此而已時藝之文固詞章之文也且今之所謂詞章非古之所謂詞章也於戲古今有異文古今總無異理試由今之詞章觀之制藝莫盛於有明若河津若虛齋若白沙若澗池若餘姚處不失篤修正士不愧理學名臣今其文具在時藝也而性命寓焉君子不謂詞章也又若瓊山若西涯若崆峒若太倉若荆川若守溪若震川若萊峯若迂岡若椒山若三楊家修則發爲極論廷獻則建爲訏謨今其文具在時藝

也而經濟存焉君子不謂詞章也誠辨乎此措之於行咸秉九德之用宣之於口悉擷六經之華根之深者其葉茂膏之沃者其光燁將見詞章之文與所謂性命經濟之文固可一以貫之矣安在今日之時藝必不若唐宋之制策唐宋之制策必不若秦漢之義疏秦漢之義疏必不若虞夏商周之典謨訓誥哉非然者累牘連篇其言無實徒令大雅致嘅於軋出儷駢而謂三代以下無文也此不惟貽譏弇鄙亦去鄉先正命名立會之意遠矣

廖式曾鳳感鄉新建聖祠賓興序

道光二十五年

是歲十月之望予振鐸桑植鄉先生不以予不敏書告聖祠落

成而屬爲之序先是鄉先正曾立聖祠於縣治文昌閣以道路  
遼遠釋奠維艱改立鄉祀祝祭於祊而聖祠獨闕夫不觀滄海  
不知眾流之歸不登泰岱不知土壤之厚不入聖祠又烏如羣  
聖之宗哉記有之高山仰止景行行止雖不能至心嚮往之蓋  
觀其車服禮器而使人恍然於聖人之德與聖人之所以爲聖  
也乃或者謂某山某水或吉或否聚訟紛紜罔有折衷鄉先生  
審處酌量宅土中以大和會卜基於田心鋪側時眾志成城共  
勸厥事經始於癸卯六月落成於乙巳三月閱三年而工告竣  
所謂人力可勝天工者非取獨是聖祠雖建而賓興未立盛典  
猶缺吾觀古人之舉事也往往文見於此而義著於彼辟雖之

建從學校也而菁莪棫樸秩秩然矣泮宮之作廣德心也而尊  
賢育才斷斷然矣况吾鄉議立賓興多歷年所聖祠既立踵事  
有成方今聖天子成均講學澤宮造士聖道炳如日星文教沛  
若江河鄉人士沐澤被化因賓興之資以砥礪成就作賓於王  
家直有如鳳采九苞蔚爲世瑞者請拭目以俟之

廖積金鳳感鄉義學記

同治三年

宋仁宗慶曆四年春詔天下州縣各立鄉學以育人才而周程  
朱張諸子輩出道學昌明遠紹尼山自元迄明遵循勿替我聖  
朝尊崇學校首重師儒社學徧天下此家塾黨庠州序國學三  
代之造士由此其選也藍邑學宮之設自邑侯趙君汝澹始有

明一代科甲之盛甲於他州爲鄉有四鳳感其一也其時沛縣鳴琴望隆司牧黔中振憲職撫雄藩凡以甲乙科名者亦代不乏人何其盛也爰逮本朝二百餘年登鄉榜捷春闈幾同碩果豈尙有搏羊角而程登九萬者乎豈尙有奮鯤池而浪擊三千者乎道光癸卯鄉先正議建文昌祠卜基於田心鋪側合鄉地勢道路適均越同治三年甲子春建立義學以爲一鄉生童肄業地顏其名曰鳳感誌實也顧吾獨異焉者鄉胡爲而獨以鳳感名也意者疑山遠障舜陵所宅使五臣七友二十二人之天工寅亮師濟一堂播休聲於鳳儀獸舞之世者復揚大化於蕞爾彈丸之區而鄉以是得名未可知也乃或者謂人苟不囿於

地克自樹立惡在不可以作王家賓彼伊尹何空而生空桑顏回何陋而居陋巷人之傑者地自靈必借是以爲一鄉之光斯亦隘矣抑又聞鳳靈鳥也聖王在上則出而兆文明之瑞是故巢於阿閣六相參軒轅之化矣鳴於岐山十亂贊成周之治矣讀卷阿之什觀成王之得人而鳳凰飛鳴一篇之中三致意焉循是以求卽謂鳳感爲吾鄉論秀書升之兆可也

廖調元鳳感鄉興賢堂義田記

興賢義田爲歲科新進生公奉印卷也堂列牌位則義捐善士及歷年倡議諸君子也新生初見學師有東修之禮不克猝辦多儀也集書摯約約定印卷送院招覆印卷之名肇此矣學師

曷資乎印卷者、學租歲遠實亡、其存者移賑貧生解款、印卷之資、爲補俸齋之不足也、第諸生勉強書約、或經年不復見學師、印卷又名存已、諸生坐此抗課註劣、弗能振拔、間亦有之、求所以上足、隆重師儒、下足培植人材者、誠莫如捐置義田、歲取其入、計歲課三年印卷之通、公奉定數、免諸生私備之爲愈矣、側聞湘中顯達、或移統兵曠餉、加舉額學額、又急籌興賢錢、以爲之倡、蓋勸士如此其急也、吾鄉之有興賢田、始此乎、前此有仰止文會田矣、有賓興田矣、有義學田矣、今者紳董賢勞、殷實好義、不數月而有田若干畝、歲租若干石、按季奉學師印卷若干緡、給書門若干錢、兼以給廩、增貢、選文費、餘則增入賓興義學、

雷殷南鳳感鄉賓興鄉學興賢三者義田序

竊思天地精華之韞數十年一發其奇國家學校之隆數百年  
累收其效蓋理與數皆有相感應者在也皇朝辟離造士黌序  
興賢僻壤遐陬罔弗涵濡教澤蔚三載賓興之選迨大比屆期  
設酒醴發帑金寅賓禮士厥典綦重公車北上給領長夫銀其  
意美其法良其恩渥也藍邑地居楚末上接疑山下鄰武水靈  
淑之所鍾前明以上列賢書躋翰苑者代不乏人爰及本朝乃  
若晨星寥落焉則培植後進之道有未盡也吾鄉前此未有賓  
興以聖祠創於田心鋪先達因議而立之捐置賓興田若干畝  
以其穀錢爲省試程儀紳士莫不稱善繼謂有鄉試必先有院

考赴省赴郡是當兼籌於是董事者不憚勤勞挨戶按都捐立  
興賢田數百餘畝以其租銀爲歲科試學官印卷貲及諸生廩  
增貢文會費此舉實爲城鄉倡其後闔邑一律仿行之吾鄉卽  
於祠旁東西建公館興賢堂以經理之先後二舉事成兩美矣  
今夫讀泮水之篇學校興知魯所由盛誦青衿之什學校廢識  
鄭所由衰古者家有塾黨有庠鄉有序學術徧海內人才之所  
由以丕振也紳耆有鑒於斯復於祠中上座左右廂房作書齋  
爲師生課讀舍前後捐置義學田畝若干以其銀錢爲山長束  
脩肄業膏火諸費有餘則間請學師閱課誘掖而獎勸之誠盛  
事也於是而三善備矣雖然義學之設非止爲功名計也讀聖



賢之書學聖賢之事凡我同人幸際昌期薰沐聖教其必在修孝悌主忠信明禮義顧廉恥庶無忤於學校之林無負我鄉先達義人培植之雅意斯則吾鄉士習之端風俗之厚人才之盛其關係皆有至爲密切者某雖不敏敢請與多士最之

唐世純南平書院地址說

光緒間

自古講席泗水東山最著濂洛關閩亦稱盛焉然皆地以人傳其精神自有千古非區區詡名位之隆也吾鄉南平書院建自光緒十年甲申距邑城東北四十里邑舊稱南平在今南平鄉唐天寶初改南平爲藍山遷治古城宋末遷於今治因三遷號曰三藍而吾鄉適當舊治境故鄉名南平書院又以鄉名也先

藍山縣圖志

卷十五

教育上

十七

是南平分都四地判東西兩河西河爲四都三二一都則東河區也方書院之初起也我河東維吉是卜者僉曰太平墟適中且市肆不譁前一小邱地不一畝而其中有泉焉可假以浴人德前有峯焉可借以敦人行從而闢之振興文教斯其宜矣書院旣成其制據中一堂上有室下有兩樓翼焉樓前一亭旁設精舍與東西廂並左右迴廊相對峙若夫宮牆外望俯而察之邱下西行百武許爲泉穴凡六七出混混然不舍晝夜合流屈曲而東入於鍾以朝宗於海則凡溯源泗水而有取於斯泉者以喻浴德其義一也邱前遙望高峯環峙者三中峯意氣矯強中立不倚若坐鎮其旁之二峯二峯者氣象崢嶸凜乎不可犯

恍然見泰華三峯焉，則凡挹秀東山，而有取於此峯者，以喻敦行又一義也。夫同一泉也，同一峯也，天壤間名山大川，百倍於此者，何可勝數，而舉不能爲此邱，有今茲乃竟擅其勝，倘所謂天造地設者歟。泗水東山，以先師名於萬古，游斯院者，固聖人之徒也，必有人焉，彬彬乎道學之宗，守先待後，以盡力於名教，綱常之大者，故曰區區詡名位之隆，尙不足爲書院光也。

邑令彭日魁大慈鄉竹里義學記

道光時竹里即竹管市也

乙巳仲春，余蒞任斯土，以化民成俗立學，造士爲務，適三藍書院延師主席，董事者告以期，余與學師躬率弟子釋奠於先師，聽宵雅之聲，鼓入學之篋，心輒儀之以教學之興，可於三藍卜

之矣。不期月而大慈鄉三、四、五、六、七都有重修義學之舉，夫文運之升降在乎人，人文之盛衰因乎地，古者家有塾，黨有庠，術有序，國有學，學豈以地囿哉。患在人不好義耳。講讓型仁，卽力穡服田，農可爲士，興賢育德，卽省耕巡稼，吏亦爲師。況今廢者起，墜者修，利者興，害者除，磨光刮垢，有開必先，反始復初，端倪已兆，宰斯邑者，宜何如欣欣期望哉。嘗閱邑乘，是鄉於嘉慶乙卯建文昌祠，規模宏敞，歲時伏臘，父老拜禮於其間，兩旁設齋舍數十間，爲弟子肄業所，樽入節出，意美法良，前宰史曾爲之序矣。歷久頽廢，鞠爲茂草者，且十餘年，紳耆等慨然於士風之稍頓，而根本之不可不培也，乃議擴舊規而重新之，樂輸義學。

腴田約七十餘畝爲膏火資請余作記余見其人心有鼓舞之志地氣有發揚之機一鄉好義足以鼓四鄉數里興學足以風眾里得名師爲矜式講論乎道義稽合乎異同如採玉於崑岡求珠於合浦祁祁濟濟範範模模人才競出蔚成國士以顯名當代恍然見南國棫樸之盛焉夫豈僅一鄉一里之慶幸哉多士勉旃

蕭玉春大慈鄉賓興公局序

同治時

吾鄉賓興文局始於嘉慶間捐貲購田設局於總市凡童生試卷秋闈資斧胥有助意甚美也歲以秋祭假館於市之武寧祠瞻拜之所闕如前輩議建局不果道光己酉秋齋長倡議眾謀

僉同醵金得若干遂相地基諏吉日命匠而經營之屋分三進後設聖牌以崇課讀前廠堂階以列几筵越二年而功竣逮咸豐甲寅加以丹漆副以廂房制乃大備初局之經始也術者繇之曰歲星一周科名發軔越同治壬戌特開慶榜而玉春倖廁賢書然則培植文風乞靈俎豆果有明驗歟今年夏諸先生以刱建之顛末思有以紀其事傳其人屬玉春爲序竊維吾邑爲漢南平邑志載歷朝科甲之盛與大邑通都相埒今國朝雖宮造土鬻序興賢薄海內外僻壤荒陬罔不涵濡教澤蔚爲賓興三物之選吾鄉境接春陵山連疑麓士生茲土其得於山川之所鍾毓前型之所畱貽以及家塾黨庠之所造就蓋自國初定

鼎二百四十年來厚蓄其機久培其氣必將有大洩其光華以應文明之景運者於以發攄事業政此其未可量也則賓興局之設其椎輪矣

朱佐宸創建六里賓興序

嘉慶時

藍分翼軫之照居楚上游名山佳水有虞氏之遺跡在焉生斯地者薰沐文德代有傳人本朝乃若少遜豈古今人之不相及歟抑所以鼓勵之者無術耳丁丑歲邑侯湯公廷寵下車伊始思宏作人之化咨度振興之策僉曰藍距省九百里而遙士子鄉闈動縻終歲之需卽平日自負其才及鋒欲試往往以惜貲不果此或其原因歟士紳倡議提捐赴闈贐儀並議興童生卷

費印簿初頒湯侯旋解任繼之者帥侯承洙新舊交代卽殷殷以此事相畀託帥侯隨邀士紳委曲勸諭城鄉頗以意見莫由畫一惟我六里慨然奮興適屆今春文會學友咸集舊日董理諸君復請眾齋長遴選才望素孚者十餘人共勸盛舉續行勸募前後共捐八百餘金置田二十餘畝可納租六千餘斤設倉廩二間於東方文昌祠頭門內以儲之噫茲事幾敗里人略加愆患遂以有成循是而增益之更善卽守是而蓄積之始基旣固完美可圖矣乃擇里中富戶公正者數人三年一更管理數年租穀臨時發糶量入爲出於春秋二闈稍補其遠游之費縣院兩試量助其頭場之卷資從此子弟多賴自束髮受書卽畱

心舉業而釋菜之後益思上進將一遇鉅典凡懷瑾握瑜之士莫不勇往直前則人才輩出蔚然與鍾水疑山挺生靈秀固可以操左券矣

傅毓湘在城鄉興賢堂序

傅毓湘號金坡湘鄉舉人光緒九年藍山教諭

藍山之鄉有五而首曰在城世家甲族環聚而居食德服疇涵濡文化有自來矣藍人急公好義美舉甚多其有關文教者如賓興文會皆士紳醵金爲之在城之與諸鄉各居其一近年又孝廉之公車北上者給資斧焉而興賢則爲新入弟子員備初見學師之贄五鄉俱按季分繳惟各鄉興賢多新立一堂在城

則仍附於賓興公館從其儉也自由禮相見修羔雁之敬而師生例有脩金然貧士不能寬然無累壹志於學而學官齋俸無多併此廢之亦無以爲送考公費今山西巡撫香濤張公督學蜀西楚北嘗爲妥籌設法勸士紳置買學田爲兩善之計並著其說於所刻輶軒語中近日海內倣行殆遍藍邑之興亦猶是也予客冬來此司諭而此舉適已告成與諸鄉一律今寒暑十周子衿城闕固無日不在優游禮讓中也然猶有進者諸生之爲弟子員計法誠良矣意尤美矣興賢之設當顧名思義昔范文正公當秀才時以天下爲己任王沂公名列大魁而謂生平志不在溫飽後皆以文章勳業彪炳史冊諸生此日獲助於鄉

人當思異日造福於桑梓並如范王之利及天下蒼生處爲名儒出爲名臣則於興賢其大有光乎在城首事將以捐戶款目及置田若干勒石以垂久遠請余弁言謹以厚望於諸生者因在城爲之發其凡焉

熊範新建賓興公館記

熊範光緒末年  
藍山教諭有傳

藍山縣治舊有賓興創自嘉慶丁丑爲在城士子應試計道光己酉前輩諸君購買帥姓屋宇以作會所而文社興賢兩公會均附於斯其後廢續修葺規模未備光緒庚子陳君堯竈黃君在中雷君豐李君應庚接董其事越明年夏稽核出入自常年經費外頗有贏餘於是諸子倡議改作詢謀僉同是秋建立上

棟壬寅建立下棟中建游亭左右客廳兩廊碑亭計用金二千六百有餘添購基址以備擴充又刊養正遺規以端蒙學費用繁而支絀形矣諸君子乃有按戶書捐之議闔鄉人士見義勇爲共捐八百餘金是役也毋違舊規毋侈後觀翼翼莘莘旣良且固工旣竣董事諸君屬余爲之記余憶咸豐間先伯雨臚公以己未南元司訓此地彼時洪逆煽亂未久告歸今四十餘年矣余繼承斯席實與此邦有文字因緣雖不文其何敢辭竊維人材之盛衰視乎培植之厚薄譬諸草木不勤灌溉而任其踐伐雖有萌蘖亦消亡耳若日養而月息之有不根大實茂滋長無窮者乎觀於草木之理而人材可知矣□值國家思痛蓄艾

政布維新廣建學堂用廢時藝而是館落成之歲值補行庚子辛丑恩正併科鍾君才宏卽以新試策論舉於鄉變法之初先聲已播其方興正未有涯也余蒞藍將及一載諸生以時進見其中頗多魁奇秀特振發有爲之士果其不恃生質誦法先王沈潛經義以深其器業淑其身心斯所成者大藍山雖僻將必有應時而興出肩艱鉅以挽回氣運者區區科第云乎哉

闔縣之藍山書院原名三藍書院又崇正宗濂之所遞改也乾隆以前少聘山長院等虛設嘉慶初始專聘名宿駕說其後乃往往以縣學官充之同治間曾廣生教諭高樹棣訓導乃各輪長一年視同膏腴利益舊無藏書光緒二十四年知縣王兆涵始提崇正

局款七白金略有購藏今且散佚矣自學堂興藍山風氣獨先光緒季年書院改立學堂取徑尤孟晉詳下篇

凡上列賓興義學闔邑及鄉里諸書院大概備矣而徭族則亦有九戶義學在城之西南六十五里大橋堡爲平地徭九姓所建者也九姓詳戶籍篇義學設於堡之文昌宮光緒間置義學文會興賢諸田畝其創制胥同平民歲延師教授徭籍子弟購十三經注疏學海堂經解等部爲藏書甚爲美談矣民國元年改設瀟源兩等小學校用舊款爲校金三年告輟分其田爲各戶族初級小學凡試士三年兩考一歲一科歲考文武生童並試科考試文不試武其學額以縣大小爲多寡藍山學額歲科各取進附生十二名

員按凡古童生由縣子試府也試未設州提學以至時考取試院員以取進道者乃名亦生  
府稱提學正道故有二年桂陽改直隸州在始分棚以前與桂臨嘉俱赴衡州  
藍嘉公額不在十二名之列清由附生應學使院考得售者有增  
廣生缺二十名廩生缺二十名以次輪補廩生得歲給廩膳銀二  
兩八錢凡童生無廩生戳保者不得入院試場縣有徭籍是設徭  
學三名分西山東山兩徭崗取進西山徭生歲科試各二東山徭  
生歲科試各一別其名曰新童焉徭人入試場以青布蒙首不衣冠也同治某學使問曰何以不  
衣冠答曰係狗頭王之後不衣冠其制不能確定所始而清中葉  
及入學後則衣冠與諸生同試矣以後高山徭已無應試者所謂新童大半皆平地居沙子嶺左右

藍山縣圖志

卷十五

教育上

二十四

非實按宋史本紀孝宗淳熙元年夏四月壬申許桂陽軍谿洞徭子  
弟入州學聽讀州志蓋本此宋史西南洞諸蠻傳於藍山徭  
崗載有兵事一引無涉及徭學事或曰靖嘉靖二十三年藍山富  
竹源徭趙朝勝二句引廣苗劫大學橋事久不明靖縣之舜一都人藍山富  
光成世仁入崗曉譬順逆殺朝勝等乃得平定朝廷因以鍾成二  
人為東西撫徭官又移巡檢司於大橋增兵戍之徭學之以立鍾或在  
於大橋亦無明文舊志徭崗記云萬曆二十一年本縣申請院道  
設於其時歟

貢生亦有額以廩生輪充謂之歲貢明制洪武二十一年定府州  
縣學貢以一二三年為差二十五年定縣學歲一人永樂八年縣  
學間歲一人十九年照洪武二十一年例宣德七年照洪武二十  
五年例正統六年縣學間歲一人宏治嘉靖仍定縣學歲一人遂  
為永制又宏治中於常貢外行選貢法不分廩膳增廣生員以學



行兼優年富力強屢試優等者充選通計中國之廣約取五六百人三五年一行萬曆間停其選崇禎時又行之清制中縣學歲貢三年而二人國家有慶典則以當貢者爲恩貢而移其次者爲歲貢每逢酉年學院於科試畢後特試諸生中選者謂之拔貢卽古拔萃

科清初以卯酉年選乾隆十八年定爲酉年縣恆得一人焉科舉旣廢光緒三十二年

歲屆己酉各省郡屬縣倍取拔貢名額以示特例縣得二人焉優貢縣不常占蓋學政徵會各屬所報優行生試於省省凡六人四人二人有差其三年鄉舉列在副榜者謂之副貢是名五貢又凡生員年滿八十或二十五年不缺歲考者巡撫查鄉試卷錄請爲恩舉人而鄉試中式者曰舉人舉人會試中式者曰進士媚士之藍山縣圖志

卷十五 教育上

二十五

途吁亦廣矣

國家之所以待士者有科名士所以得奮者必有資斧士無所資而眾助之養賢饋學厥風可賡藍人士尤好爲之宋明之士公置學田以贍諸生非以爲學官奉給也清康熙以後學田悉入學官不足復取給於印卷印卷者學使按試生童學官例備試卷取錢文數百其新進生員別繳印卷費富者索數百金貧者亦十餘金事同婪索廩生考貢亦然士子幾相戒以入學出貢爲畏途嘉慶間各鄉始爲公儲或錢或穀權子息爲生童備試卷費光緒間士紳乃與學官定印卷費額在城及南平大慈鳳感四鄉歲致兩學印卷費八百金舜鄉致四百金於是師生間乃免於貴貨賄而輕

仁義之譏其學田及書院膏火資自宋紹定初趙令汝澹始闢田  
畝迄於清季率有增備詳財賦篇

藍山縣圖志

卷十五

教育上

志卷十五教育篇上終

二十六